

vesperi sequetur. Si autem Sol se inter cometam & terram ponat, ipsum quidem cometæ corpus invisibile erit, sed coma ejus vel manè vel vesperi conspicienda erit, igneaque trabis faciem ostendet. Quod verò coma jam recta, jam incurvata, jam latior, jam angustior, lucidiorve appareat, incurvatio illa sphaeroidis efficit.

§. 27. Huc usque ergo paucis & rudi Minerva hac doctrina pertractata pedem hîc figimus. Deo Patri luminum sit laus & gloria. Amen.

COROLLARIA EX QUAVIS PHILOSOPHIÆ PARTE.

Ex Mathefi.

1. *Consultius esse videtur, ut Mathefi ante Logicam juvenibus tradatur.*
2. *Nullum enim ingenium est, quòd non illam melius capere possit, quàm disciplinas alias.*
3. *Circulus Mathematicus & sim: concipi potest, non pingi.*
4. *Quadratura circuli non videtur esse possibilis.*
5. *Ex definitione figuræ constat, quòd si mundus infinitus sit figuram non habeat.*
6. *Mathematicè loquendo duo corpora in superficie terræ perpendiculariter erecta, non sunt inter se parallela.*
7. *Lunæ montes terrenis altiores esse Mathematicè demonstrari potest.*

Ex Metaphysica.

1. *Absque mentis nostræ clara ac distincta cognitione,*

B. 2

nil